

Roggparty



Hei hesch dyni alti Läderjagge bhalte
Die mit de Hardroggstigger und den abgwetze Falte
Nimm sy usem Chaschte wirf dy in d’Kluft
Ich bring myni alte Platte und denn lege mir uf

Ref. **Dass git e** **Roggparty**
 En affeschtarggi **Roggparty**
 Eifach sone **Roggparty** **chum doch au!**

Wenn Bass und Schlagzüüg zämme fäggt und chracht
D’Gitarre gradlinig minutelangi Solis macht
Dr Sängler sich uschotzt bis in die högschte Döön
Dass isch das wo mir usem Buuch verschtöön

Ref.

Mir löön ei Platte nach dr anderen ab
Bis d’Noodle glüüet dr Verschtergger macht scho langsam schlapp
Mir danze ab s’isch nüt me wie vorhär
Alls wenn das dr letschti Obe wär

Ref.

Morn am Morge isch es wiider wie vorhär
Dr Sound am Radio dröönt unändlich leer
Numme Mainstream und so Teeniepop
Wieso bringsch nit eifach wiider sone geile Rogg

Ref.

S U I S A ® Dieser Text ist Urheberrechtlich geschützt. Das öffentliche Aufführen Kopieren, sowie Bearbeiten bedarf der schriftlichen Genehmigung.